

## Makitibi ki dɔsay ki Ja ndangi

*Ta ki dɔ makitibi ti ki dɔsay ki Ja ndangi*

Dəw ində tɔ Ja dɔ makitibi ti kin al, nə njé ki kəte gəri maji kadi makitibi je mitə e Ja ə ndangi-de. E ki dɔsay kin ɔji-je nə madi kare dɔ dije ti ki nje ndangi makitibi ndangi adi-de al. Ne kare ki ɓa, nje ndangi makitibi tɔji ndaji nə je madi ki rɔ njé kaw-naa je ti ki makitibi kin sɔbi dɔde adi j-o. Njé kaw-naae je kin, njé ki əli əi nə n-əi njé ra kilə lə Luwə, ki ndəmi rəbi kadi-me Kirisi rai-de majal ki nə ndo je ki ngom. Rai-de majal təkɪ j-o-n rɔ njé kaw-naa je ti lə Kirisi ngay go koy Kirisi ti. E mbata kin ə, nje ndangi makitibi ilə jine dɔ nə je ti joo me makitibi ti ləne:

Kilə dɪngəm me dije ti ki ndangi makitibi adi-de kadi njiyəi me kində rɔ naa ti ki rɔjeti ki Luwə nim ki NGone Jəju Kirisi nim. Ningə e nə ki sɔbi kadi a tɔji me ndigi-naa ti dande ti.

Rɔ ki nə ndo ki go rəbe ti al ki ə nə dɔndangi ki je me ti kin e dɔndangi ki rosi ki majal ɓi Kirisi ki e NGon lə Luwə asi kadi a təl rəne dəw ti re me ti al. Njé ndo nə je ki ngom kin əli təkɪ Jəju ki dɔndangi ti ne e dangi ki Kirisi ki e dəw ki Luwə mbəte. Əli əi nə Kirisi e dəw ki me ndil ti par ɓi dəw a oo-e al. Taa təli əli ɓəy tɔ təkɪ re dəw gər Luwə ki rəbi nə gər ləne, ɓa ingə kaji par ngata, ɓi e ta kadi go ti ə dije ndigi-naa je, rai nə ki go rəbe ti wa taa al ngata. Ningə əi je kin əi nə ndo

je ki go ræbe ti al ki ilæ kagi nõ Poy ta ti ki Maji,  
 æ kadi e ki rø sæde.

Nje ndangi makitibi ilæ ngiræ ta læne ki ne ki uwæ mee ki e kadi tøgï njé kadi-me je me kindæ rø naa ti ki sœbi kadi indæi-naa ti ki Luwæ nim ki Jøju Kirisi nim kin, taa me kindæ rø naa ti dande ti nim tō (1.1-4). Lo kin ti, sœbi kadi ai dana me naji ki ma ti ki njé ki ooi Kirisi ki kæmde nim, ooi ta lie ki mbide nim mai kin. Nje ndangi makitibi dæji njé ki dangi makitibi kin adi-de kadi njyæi me kunjï ti, tadō Luwæ e kunjï. Ningæ e mbata kin æ, sœbi kadi rai kilæ ki ndu-kun ki dō ndigi-naa ti (1.5-2.17). Go ti, nje ndangi makitibi æl tæki njé tæ rø Kirisi ki tøgïde ngay a ij taa, ningæ æi njé ngom je ki a naji tæki Jøju e Kirisi ki Luwæ mbæte kin al (2.18-29). Ba a nõo ole mede dō ti tæki njyæ me ne ra je ti ki røjeti, me ndigi-naa ti yo je ki ne je, ki me ka dō nja ti ki Jøju Kirisi kin æ e ne je ki tōji kadi je ngan læ Luwæ tæki røjeti (3.1-24). Go ti, nje ndangi makitibi tōji-de ræbi kør kæm ne ki røjeti al ki ne ki røjeti naa ti, 6a tæl re dō kō ta ti ki dō ndigi-naa ti ka kin bøy. Æl-de tæki ke dæw læ Luwæ e ndigi-naa, tadō Luwæ e nje ndigi dije (4.7-21). Jæ tæl ta makitibi læne ki kilæ ji dō ne ti ki bari-e kadi-me ki nje tæti rø, taa tæl re dō ngongï ta je ti madi tō (5.1-21).

Makitibi kin e makitibi ki ilæ jine dō ræbi njyæ ki Kirisi ti adi ay njay. Adi tøgï njé kun go Kirisi me mæ r ta je ti læde, taa ra sæde kadi æsi ne ndo ki go ræbe ti al ki a ur ki dæw wale kin ngærangi nim, ilæ dingæm mede ti kadi gæri lo dō røde naa ti ki Jøju nim, ki ndigi-naa nim tō.

*Ta Kaji*

<sup>1</sup> Nə ki e lo kilə ngirə nə je ti<sup>☆</sup>, nə ki j-o ki mbije, nə ki j-o ki kəmje, nə ki ji go kəri kəri, nə ki jije ədi, e ta kaji ki biti ki no ti. <sup>2</sup> Kaji kin ədi rone adi j-o-e ki kəmje; ji ma naji lie. Ningə e mbata kin ə, j-isi j-ilə səsi mbe kaji ki kəte e kadi Bawje Luwə ti, 6a go ti, e ki tē kə dəe kadi-je. <sup>3</sup> Nə ki j-o ki kəmje nim, j-o ki mbije nim, ə səi ka j-ilə səsi mbe tə. Lo kin ti, a indəi rəsi naa ti səje də me kasi-naa ti ki j-aw-n ki Bawje Luwə nim, ki NGone Jəju Kirisi nim kin. <sup>4</sup> Ningə ji ndangi makitibi kin j-adi səsi kadi rənəl ləje asi-naa tapi.

### *Njɨyə me kunjɨ ti*

<sup>5</sup> Luwə e kunjɨ, ngon til ki ndəy be ka goto rəe ti, ningə e kin ə e ta kilə mbe ki j-ingə ta Jəju Kirisi ti ə je j-ilə səsi mbe. <sup>6</sup> Kin ə re j-əli j-əi nə meje e naa ti ki Luwə, ningə j-ai noo ji njɨyəi me til ti bəy ə, j-əi njé ngom je, nə ki rəjeti goto rəje ti. <sup>7</sup> A re ji njɨyəi me kunjɨ ti təkɨ Luwə wa e-n me kunjɨ kin be 6a, me je e naa ti ki naa nim, taa məsi Jəju ki NGone togɨ majal je ləje pətɨ kə tə.

<sup>8</sup> Kin ə re j-əli j-əi nə ji rai majal al ə, j-isi j-ədi rəje j-əi je wa, taa nə ki rəjeti goto rəje ti tə. <sup>9</sup> Nə re ji tē taje də majal je ti ləje ə, Luwə ki e dəw ki yətɨ ndune al nim, e dəw ki dana nim kin a iyə go majal je ləje kə, taa a bər ra go ti al je ləje pətɨ kə tə. <sup>10</sup> A kin ə re j-əli j-əi nə j-əi njé ra majal je al ə, ji bari Luwə nje ngom, ningə ta lie ka goto meje ti tə.

## 2

### *Kirisi, nje ra səje*

---

☆ 1:1 Jə 1.1

<sup>1</sup> N Ganm je, m-ndangi makitibi kin m-adi sasi mba kadi osi me majal ti al. A kin ə re dəw madi osi me majal ti ə, j-awi ki nje naji ta dəje ti ki isi kadi Bawje ti nɔ, adi e Jəju Kirisi, ki e dəw ki dana. <sup>2</sup> Tado e e ə un rəne ilə kə adi koy mbata majal je ləje. Ningə e mbata majal je ləje par al, nə mbata majal je lə dije pəti ki dənangi ti ne.

*Təl rə go ndu-kun ti ki bo ngay, ki e ndigi-naa*

<sup>3</sup> Re ji təl rəje go ndu-kun je ti ba, j-asi kadi j-əli ki me ki ti kati təkɪ ji gəri Luwə. <sup>4</sup> Dəw ki əl ə nə: «M-gər Luwə», nə təl rəne go ndu-kun je ti lie al, dəwe kin e nje ngom, ta ki rəjeti goto rəe ti. <sup>5</sup> Nə re dəw təl rəne go ndu Luwə ti ba, ndigi Luwə adi asi-naa tapi. Lo kin ti, j-a ji gəri ki me ki ti kati kadi meje e naa ti ki Luwə. <sup>6</sup> Dəw ki əl ə nə mene e naa ti ki Luwə ba, səbi kadi dəwe kin njiyə təkɪ ndə ki Jəju njiyə-n kin be.

<sup>7</sup> Madim je, njé ndigi je ləm ki ngay, e ndu-kun ki sigi ba m-ndangi m-adi sasi al, nə e ndu-kun ki to mari nu, ki ingəi lo kilə ngirə kində ne je ti nu wa kin<sup>☆</sup>. Ndu kune ki to mari nu kin, e ta wa ki osi mbisi ti kəte nu kin. <sup>8</sup> Nə m-təl m-əl bəy tə m-ə nə e ndu-kun ki sigi ə m-ndangi m-adi sasi. Ningə kee ki rəjeti, dəw oo ki rə Kirisi ti nim ki rəsi ti nim, tado til də kə, adi kunji ki rəjeti ngata ə isi unji.

<sup>9</sup> Dəw ki ə nə n-isi n-njiyə me kunji ti, nə a də ti nɔɔ isi əsi ngokone ta ba, dəwe kin e me til ti wa bəy. <sup>10</sup> Dəw ki ndigi ngokone, e me kunji ti, ne madi kare ki to rəe ti ki kadi a ra adi osi goto. <sup>11</sup> Nə dəw ki isi əsi ta ngokone, e me til ti; isi njiyə me til ti, gər lo ki isi aw ti al, tado til dibi kəme ti.

*Kəsi rə ngərangi ki ne ra je ki dənangi ti ne*

<sup>☆</sup> 2:7 Ja 13.34

<sup>12</sup> N<sup>G</sup>anm je, m-ndangi makitibi kin m-adi səsi tadɔ majal je læsi e ki kiyə go kɔ ki takul Jəju Kirisi.

<sup>13</sup> N<sup>J</sup>é koji-m je, m-ndangi makitibi kin m-adi səsi tadɔ igəri dəw ki e kəte lo kilə ngirə ne je ti. N<sup>G</sup>an basa je ki ngan madi je, m-ndangi makitibi kin m-adi səsi tadɔ itəti rɔ nje majal.

<sup>14</sup> N<sup>G</sup>anm je, m-ndangi makitibi kin m-adi səsi tadɔ igəri dəw ki e Bawje. N<sup>J</sup>é koji-m je, m-ndangi makitibi m-adi səsi tadɔ igəri dəw ki e kəte lo kilə ngirə ne je ti. N<sup>G</sup>an basa je ki ngan madi je, m-ndangi makitibi m-adi səsi tadɔ təgisi e ngay, ta lə Luwə uwə lo kisi mesi adi itəti rɔ nje majal. <sup>15</sup> Adi ne ra je ki majal ki dɔnangi ti ne kin uwə mesi al, taa adi mər ta je ki dɔnangi ti ne uwə mesi al nim tɔ. Kin ə re ne ra je ki dɔnangi ti ne uwə me dəw ə, dəwe kin lo kadi a ndigi Luwə goto. <sup>16</sup> Tadɔ, ne ra je ki majal ki dɔnangi ki əi: ngur ra ndigi lə darɔ, ki kəm-nda, ki kində gu ki ne kingə je ki dɔnangi ti ne kin, ne je kin pəti ij rɔ Bawje Luwə ti al, nə ij dɔnangi ti ne. <sup>17</sup> N<sup>G</sup>a ningə dɔnangi ki ngur ne ra je ki majal ki me ti kin pəti a dəi, nə dəw ki nje ra go ndigi ti lə Luwə a isi ki dɔne taa bitɔ ki nɔ ti.

<sup>18</sup> N<sup>G</sup>anm je, j-əi dɔbəy ndɔ ti ngata. Ningə əli adi oi təkɔ nje tɔ rɔ Kirisi a re, nga ningə ki basine kin, dije ngay ki njé tɔ rɔ Kirisi a njiyəi ne. Lo kin ti, jɔ gər kadi je dɔbəy ndɔ ti ngata. <sup>19</sup> Əi dije ki tɛɛi danje ti ne ə awi, nə ke ə əi dije ləje ki rɔjeti al. Kin ə re əi dije ləje ki rɔjeti ə re a isi səje ne. Nə tusi-je iyəi-je be ə awi, kadi tɔji ki taga təkɔ dəw kare dande ti ki e dəw ləje ki rɔjeti goto.

<sup>20</sup> Səi ba, ingəi N<sup>D</sup>il Luwə ki Kirisi adi səsi, ə ra adi igəri ne ki rɔjeti. <sup>21</sup> N<sup>G</sup>a ningə, kin ə m-ndangi makitibi m-adi səsi ba, e mbata gər ba igəri ne ki

rōjeti al al, nā e mbata gār ki igəri ne ki rōjeti ka kin ə m-ndangi-n makitibi m-adi səsi. Ningə igəri maji kadi ne ki ngom a teḡ me ne ki rōjeti al tō. <sup>22</sup> Nā ə e nje ngom ə? Nje ngom e dāw ki nje kəl kə nā: «Jəju e Kirisi al» kin. Nje t̄a rō Kirisi e dāw ki mbat̄i Baw NGon əi ki NGon. <sup>23</sup> NGa ningə, dāw ki mbat̄i NGon, dāwe kin uwə Baw NGon ki rone ti al jagi tō.

<sup>24</sup> Səi je 6a, maji kadi ingəmi ta ki osi mbisi ti lo kilə ngirə ne je ti nu kin maji. Kin ə re ingəmi ta ki osi mbisi ti lo kilə ngirə ne je ti nu kin maji 6a, mesi a e naa ti kare ba ki NGon nim ki Bawe nim. <sup>25</sup> Ningə kun mindi ki Kirisi un adi-je e kaji ki bit̄i ki nō ti.

<sup>26</sup> Ne ki m-a dō ti ngay ə m-ndangi-n makitibi kin m-adi səsi e ta lə dije ki isi sangi kadi n-ḡuki səsi wale kin. <sup>27</sup> NGa ningə səi, NDil Luwə ki Kirisi adi səsi kin isi mesi ti, adi awi ki ndoo kadi dāw ndo səsi ne al. Ki rōjeti, NDil Luwə ndo səsi ne je pəti, ningə ndo səsi ne ki rōjeti 6i ndo səsi ngom al. E mbata kin ə, kadi irai ne ki ndo səsi, adi mesi e naa ti ki Kirisi.

<sup>28</sup> Oyo, nganm je, adi mesi e naa ti ki Kirisi, mba kadi ji t̄i meje kati lo ki a teḡ hōy, taa kadi j-ilə dōje nangi ki rōsəl nōe ti, ndō ree ti al tō.

<sup>29</sup> Təki igəri kadi Kirisi e dāw ki dana, maji kadi indai dōsi ti tō təki dāw ki nje ra ne ki dana e ngon lə Luwə.

### 3

<sup>1</sup> Oi ndigi ki əti 6əl ki Bawje Luwə ndigi-je kin! NDigi-je ndigi ki 6ar-n-je ngane je. Ningə j-əi ngane je təki rōjeti wa ka tō! Kin ə re dije ki gei ne je ki dōnangi ti ne ngay gəri-je al ə, tōji kadi gəri Luwə. <sup>2</sup> NJé ndigi je ləm ki ngay, ki 6asine kin j-əi ngan lə Luwə, nā ne ki j-a ji təl lo ti ti, to lo 6ōyō ti 6əy. Ningə

ne kare, ji gər kadi ndo ki Kirisi a tee hoy ba, j-a ji to titi-naa sie, tado j-a j-o daroe wa taki rojeti. <sup>3</sup>NGa ningə, dije pəti ki awi ki kində me ki be kin do Kirisi ti ba, a ogi rəde ra majal taki Kirisi wa tee kadi majal ti al kin be.

<sup>4</sup>Dəw ki ra ki ra majal, əsi ta ndu-kun lə Luwə, tado majal ki ra e tə rə ndu-kun lə Luwə. <sup>5</sup>Igəri maji kadi Kirisi re mba kor majal je ləje, ningə e, dəw oo majal rəe ti al. <sup>6</sup>Lo kin ti, dəw ki a do Kirisi ti, e dəw ki a nay ki lo ra majal ti al, nə dəw ki nay ki lo ra majal ti, e dəw ki oo Kirisi al nim, gər-e al nim to.

<sup>7</sup>NGanm je, indəi kəm-kədi do rəsi ti, adi dəw ədi səsi al. Kin ə re dəw ra ne dana ba, e dəw ki dana taki Kirisi e-n dəw ki dana kin be to. <sup>8</sup>Dəw ki nay ki lo ra majal ti, e dəw lə su, tado su e nje ra majal lo kilə ngirə ne je ti nu. Ningə kire NGon lə Luwə e ki mba kadi tuji kilə rae je.

<sup>9</sup>Dəw ki təl rəne ngon Luwə ti, e dəw ki a iyə ta majal ki ra, tado təgi ki j rə Luwə ti e rəe ti. Asi kadi a nay ki lo ra majal ti al, tado Luwə e Bawe. <sup>10</sup>Rəbi ki kadi dəw a gər-n ngan lə Luwə ay njay dan ngan lə su ti ə to kin: dəw ki mbati ra ne ki dana nim, mbati ndigi ngokone nim e dəw lə Luwə al.

### *NDigi-naa*

<sup>11</sup>MBə ta ki osi mbisi ti lo kilə ngirə ne je ti, e ta kadi indigi-naa ki yo je ki ne je✧. <sup>12</sup>Ningə kadi irai taki Kay ra-n kin al. Kay e dəw lə nje majal ə təl ngokone. Ningə e mbata ri ə təl-n ngokone ə? Təl-e mbata kilə rae e Kay majal, nə kilə ra ngokoe e kilə ra ki dana✧.

✧ 3:11 Ja 13.34 ✧ 3:12 Kilə ngirə ne je 4.1-8

13 NGakom je, kin ə re dije ki ne ki dənangi ti ne nəl-de ngay ədi ta ləsi al ə, adi əti səsi bəl al. 14 J-əi, ji gəri kadi ji teei me koy ti j-uri me kaji ti, tado ji ndigi ngakoje je. E be tado dəw ki ndigi ngokone al, e dəw ki isi gin tōgi ti lə koy. 15 Dəw ki me majal ki ngokqe e dəw ki nje təl dije. NGa ningə igəri maji kadi dəw ki nje təl dije, kaji ki biti ki nō ti goto rəe ti. 16 Ne ki kadi ji gər-n ne ki bari-e ndigi-naa ə to kin: Jəju Kirisi un rone ilə kə mbata ləje, e be ə, je ka maji kadi j-un rəje j-ilə kə mbata ti lə ngakoje je tō. 17 Ne kare, kin ə re dəw aw ki ne kingə je ki dənangi ti ne, ə oo ngokone me ndoo ti, nə uti kəmne dəe ti ningə, ndigi Luwə to ra be rəe ti ə? 18 NGakom je, adi ji ndigi-naa ki bal ta je ki taje ti ne par al, nə adi ji ndigi-naa ki kilə ji kadi-naa, me ne ra ti ki rəjeti. 19 Lo kin ti, j-a ji gəri kadi j-əi dije lə ta ki rəjeti, ngata ningə, ta kəm Luwə ti, j-a j-iləi meje nangi. 20 Təki rəjeti, re meje uwə-je ki ta ka, ji gər kadi Luwə itə meje taa, gər ne je pəti tō. 21 NJé ndigi je ləm ki ngay, kin ə re meje gangi ta dəje ti al ə, j-a j-əl ta ki Luwə ki me ki t̃i kati. 22 Ne je pəti ki ji dəje, j-a j-ingə rəe ti, tado ji təl rəje go ndu-kun je ti lie nim, ji ra ne je ki nəl-e nim.

23 NGa ningə, ndu ki un adi-je ə to kin: e ta kadi j-ade meje ki tō NGone Jəju Kirisi, taa kadi ji ndigi-naa ki yo je ki ne je tək̃i Kirisi adi-n-je ndune☆. 24 Dəw ki ngəm ndu-kun je kin, e dəw ki a dō Luwə ti nim, Luwə isi mee ti nim tō. Ne ki kadi ji gər-n tək̃i Luwə isi meje ti, e ki takul NDile ki adi-je.

## 4

### *Gər NDil Luwə ki ndil ki majal*

---

☆ 3:23 Jā 13.34; 15.12; 17



<sup>1</sup> NJé ndigi je ləm, dije ki isi əli əi nə n-awi ki ndil mede ti kin itaai mede pəti al, nə kadi nai-de oi bəy taa se NDil ki awi e NDil ki j rə Luwə ti wa. Tado njé ngom je ngay ki njé kəl kə nə n-əi njé kəl ta je ki ta Luwə ti, sanəi-naa dənangi ti ne. <sup>2</sup> Dəw ki ra ki gər kadi Jəju Kirisi təl rəne dəw ti aw ki NDil Luwə mene ti, ningə e kin ə e rəbi ki kadi igərii NDil Luwə. <sup>3</sup> Ningə dəw ki mbati kadi gər təki Jəju Kirisi təl rəne dəw ti, aw ki NDil Luwə mene ti al, nə e ndil nje bə lə Kirisi yo ə aw-n mene ti. Əli adi oi ki mbisi təki nje bə lə Kirisi a re, ningə ki basine kin, re e dənangi ti ne ngata.

<sup>4</sup> Səi nganm je, səi dije lə Luwə, ningə səi itəti rə dije ki njé kəl kə nə n-əi njé kəl ta ki ta Luwə ti kin, tado NDil ki awi mesi ti itə ndil ki isi me dije ti ki njé kədi ta lə Luwə al. <sup>5</sup> NJé ngom je ki njé kəl kə nə n-əi njé kəl ta ki ta Luwə ti ka kin əi me ne ra ti ki əsi ta Luwə, taa ta kəl-de ka e ta kəl ki əsi ta Luwə tə. E mbata kin ə dije ki njé kədi ta lə Luwə al ooi ta ləde maji ngay. <sup>6</sup> NGa ningə, j-əi, j-əi dije lə Luwə adi dəw ki gər Luwə ba a oo ta ləje, nə dəw ki e dəw lə Luwə al, a oo ta ləje al. Lo kin ti, j-a ji gəri NDil ki rəjeti ki ndil ki ngom.

### *NDigi-naa j rə Luwə ti*

<sup>7</sup> NJé ndigi je ləm ki ngay, adi ji ndigi-naa ki yo je ki ne je, tado ndigi-naa j rə Luwə ti. Dəw ki nje ndigi madine e ngon lə Luwə, taa e dəw ki gər Luwə tə. <sup>8</sup> Nə dəw ki ndigi madine al, gər Luwə al, tado Luwə e dəw ki nje ndigi dije. <sup>9</sup> Oi təji ki Luwə təji-je ndigi ki ndigi-je kin: Luwə ilə NGonne ki kare ba be dənangi ti ne kadi tə ki go rəbi lie ba j-isi-n ki dəje taa. <sup>10</sup> E je ba ji ndigi Luwə al, nə e e ə ndigi-je, ə ilə

NGonne ki un rone ile ko kadi-kare ti mbata kiga-n do majal je laje<sup>☆</sup>.

<sup>11</sup> NJe ndigi je lam ki ngay, kin a Luwa ndigi-je be ninga, sobi kadi j-ai ka ji ndigi-naa ki yo je ki ne je to.

<sup>12</sup> Daw ki oo Luwa ki kamne goto, na kin a ji ndigi-naa ki yo je ki ne je ba, Luwa isi meje ti, ninga ndigi dije lie toji rone ki taga roje ti to.

<sup>13</sup> Ne ki a ra kadi ji gari-n taki j-isi me Luwa ti nim Luwa isi meje ti nim e NDile ki adi-je. <sup>14</sup> NGA ninga, je j-o ki kamje nim, ji ma naje nim taki Bawje Luwa ila ki NGone kadi aji dije ki donangi ti ne. <sup>15</sup> Kin a re daw gar kadi Jaju e ngon Luwa a, Luwa isi mee ti nim, e isi me Luwa ti nim. <sup>16</sup> Ba j-ai, ji gari maji nim, j-adi meje nim taki Luwa ndigi-je. Luwa e nje ndigi dije, adi daw ki njiya me ndigi-naa ti, Luwa e mee ti nim, e e me Luwa ti nim to. <sup>17</sup> Kin a re ji ndigi-naa j-adi osi raba pay ba, j-a ji ti meje kati ndo gangi ta ti. J-a ji ti meje kati tado ji kisi ki do taa laje donangi ti ne to ta ya Kirisi be to. <sup>18</sup> Bal goto me ndigi-naa ti, ndigi-naa ki rojeti or bal ko. Bal e ne ki toji kinda kaji ki kadi a re, ninga daw ki nje bal e daw ki ndigi-naa goto roe ti.

<sup>19</sup> J-ai ba, ji ndigi-naa tado e Luwa a ndigi-je kate. <sup>20</sup> Kin a re daw madi al a na: «M-ndigi Luwa», ninga tal asi ta ngokone a, e daw ki nje ngom kare. Kin a re ngokoi ki o-e ki kami ne kin indige al a, Luwa ki o-e ki kami al kin asi kadi a indige al. <sup>21</sup> \*NDu-kun ki j-inga ro Luwa ti al a na: «Daw ki ndigi Luwa ba, sobi kadi ndigi ngokone to.»

## 5

### *Kadi-me NGon Luwa e ngira ndigi-naa*

<sup>☆</sup> 4:10 2.2

<sup>1</sup> Dəw ki adi mene kadi Jəju e \*Dəw ki Luwə mbəte e ngon lə Luwə. NGa ningə, dəw ki ndigi baw ngon, ndigi ngone ki oje tə. <sup>2</sup> Kin ə re ji ndigi Luwə, ə ji rai kilə ki ndu-kun je lie ningə, lo kin ti ə j-a ji gəri-n tək i ji ndigi ngane je. <sup>3</sup> Tadə ndigi Luwə e ta kadi ji ngəmi go ndu-kun lie. Ningə ndu-kun je lie əy al tə, <sup>4</sup> mbata ngan lə Luwə pəti təti rə ndigi ra ki dənangi ti ne. Ningə nē ki ji təti-n rə ndigi ra ki dənangi ti ne e kadi-me ləje. <sup>5</sup> Nə ə asi kadi təti rə ndigi ra ki dənangi ti ne ə? Dəwə 6a e dəw ki adi mene kadi Jəju e ngon Luwə kin par.

### *Naji ki ma ki də Jəju ti*

<sup>6</sup> E Jəju Kirisi ə re dənangi ti ne ki man batəm ləne nim ki məsi koyne nim. Re ki man par al, nə re ki man əi ki məsi. Ningə NDil ə e nje ma naji, mbata NDil e ta ki rəjeti. <sup>7</sup> Ba ki ne kin, njə ma naji je əi mitə, <sup>8</sup> adi e NDil Luwə nim, man nim, taa məsi nim tə. Ningə nē je ki mitə kin ndude e naa ti. <sup>9</sup> Ji taa naji ki ma lə dije maji, nə naji ki ma lə Luwə təge e ngay wa bəy tə; ningə e naji ki ma ki ma də NGonne ti. <sup>10</sup> Dəw ki adi mene NGon Luwə aw ki naji ki ma kin mene ti, nə dəw ki taa ta lə Luwə al, ra-e nje ngom ti, tadə taa naji ki ma ki Luwə ma də NGonne ti kin al.

### *Kaji ki bit i ki nq ti*

<sup>11</sup> Naji ki ma ki kadi ji gəri maji e kaji ki bit i ki nq ti ki Luwə adi-je kin. Ningə e kaji ki adi-je ki takul NGone. <sup>12</sup> Dəw ki e me NGon ti ingə kaji, nə dəw ki e me NGon ti al, kaji lie goto. <sup>13</sup> NGa ningə, ki ne kin, m-ndangi makitibi kin m-adi səsi, səi ki adi mes i NGon Luwə, kadi igəri tək i ingəi kaji ki bit i ki nq ti.

*Kāl ta kī Luwə mbata lə nje ra majal je*

<sup>14</sup> Kīn ə re jī dāji Luwə nē kī go ndīgi tī lie ə, a oo dō nduje, ningə lo kīn tī, j-a jī tī meje kati. <sup>15</sup> Təki jī gər kadi oo dō nduje, jī tī meje kati kadi j-a j-ingə nē kī jī dāje tō.

<sup>16</sup> Kīn ə dəw madi oo ngokone me majal tī kī asi kadi tēē koy ə, maji kadi əl ta kī Luwə ə Luwə a aje. E dije kī majal je ləde a tēē koy al ə ta kīn səbi dode. Ta kare, majal madi e nōō a tēē kī koy, ningə e ko majal kī be kīn 6a m-dəji səsi kadi əli ta kī Luwə dō tī al. <sup>17</sup> Nē ra kī go tī al pəti e majal, nə majal pəti 6a tēē koy al. <sup>18</sup> Jī gər kadi dije kī əi ngan lə Luwə, a nayi-naa kī lo ra majal tī al, tadō NGon lə Luwə ngəm dode, nje majal asi ra sode nē madi al. <sup>19</sup> Jī gər kadi je dije lə Luwə, nə dənangi ba pəti e gin tōgi tī lə nje majal. <sup>20</sup> Jī gər 6əy tō kadi NGon lə Luwə re, adi-je nē gər kī kadi jī gər-n Luwə kī rōjeti. Ningə je, j-ində rōje naa tī kī Luwə kī rōjeti kī takul NGone Jəju Kiriisi. E ə e Luwə kī rōjeti, e ə e kaji kī bitī kī nō tī.

<sup>21</sup> NGANm je, əgi rəsi kun go kagi yo je.

## **KĒLƏ-MĪNDĪ KĪ SĪGĪ**

### **New Testament in Bedjond (CD:bjv:Bedjond)**

copyright © 2011 Wycliffe Bible Translators, Inc.

Language: Bedjond

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Bedjond

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-01

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
a4f34a03-c89e-55e0-bc3f-22f7829df823